

ღამე ოთახში

გამომელვოდა, ღამეა ჩამქრალა,
ოთახში ბნელა, ფიქრი გროვდება.
და შიშმა ისევ ამაკანკალა,
და თითქოს ვიღაც მიახლოვდება.

ას როიალიც კუბოს მსგავსია
და კუბოსავით მოჩანს კამოდიც.
თითქოს ოთახში ვიღაც კაცია,
ოთქოს კიბეზე ვიღაც ამოდის.

ქარმა ფანჯარას ფრთები მოარტყა,
ეს მოლანდება მაინც რა იყო—
თითქოს ვიღაცა კარებს მოადგა
და თითქოს უცებ კარი გაიღო.

ღამეა, თანაც ასეთი ღანდი,
წვიმის ხმაური გაისმის კიდეც.
თითქოს ოთახში ვიღაცა დადის,
მგონია ვიღაც ხელებს მომკიდებს.

ღმერთო! ნუ შემშლი, ძალა მომეცი,
ღმერთო! მე უკვე გავცილდი საზღვარს;
ვიღაც უცნობის ოხვრა მომესმის
და წვიმის წვეთი ეცემა სადღაც

გამომელვოდა, ღამეა ჩამქრალა,
ოთახში ბნელა, ფიქრი გროვდება.
და შიშმა ისევ ამაკანკალა,
და თითქოს ვიღაც მიახლოვდება